



皇朝通志

食貨畧七

蠲賑下

乾隆元年。

詔除天下浮糧。凡江蘇之桃源、宿遷、睢寧三縣，新淤、泗後改科地糧。安徽所屬之泗州、五河兩岸淤地額賦。河南滎澤縣河旁坍塌地銀，及籽粒銀。鄭州、臨河之姚店等堡，鹽鹵地糧。祥符等四十二州縣，鹽鹵飛沙坍塌荒地額賦。山東鹽城等二十八州縣。

衝壓地賦。章邱縣捏報墾荒地賦。直隸呂家灣等處水衝沙壓浮糧。及有糧無地。或糧存人亡之項。甘肅因地震缺額丁賦。及狄道縣缺額地糧。並有額無征各項。福建南平縣浮多丁賦。陝西坍地徭賦。江南網戶鱗魚折色銀。悉予豁免。是年浙江仁和等四縣水。免漕白南米。湖北漢川。江陵水。免賦銀。及南米。雲南貴州災。免該省。及接壤之湖南沅州府本年田租。江南海州。阜寧鹽城興化。上年被水。免未兌漕米。及因災緩征漕米。又定嗣後遇災。

四五分者。亦加

恩免十分之一。著為例。

諭直省因災察勘戶口。造具冊籍。所需飯食舟車紙張等費。皆量動存公銀。毋絲毫派累地方。二年。以經理

山陵大事。自京師至易州。民人趨役勤慎。免本年額賦。以

陝西寶豐新渠。二縣招墾新戶。安業未久。悉除積欠額賦。其涼州西安等處。番民糧料。照屯地科則免三之一。定凡遇災傷。督撫勘明。或分年帶征。或按分數蠲免。具題請

旨至丁銀向未攤入地糧例不並免今既歸於一令嗣後遇災蠲之年統覈均免其期以奉

旨之日為始凡部文未到之前已輸在官者準抵次年正賦時江蘇阜寧鹽城二縣有濱河地畝淹涸靡常有司誤報陞科與山東商河縣鰥鹵不毛之官莊地畝錢糧江蘇高郵等五州縣隄工民房租銀甘肅河西各州縣衛所隨徵馬糧皆係荒浮累民詔悉除之是年免甘肅錢糧西安半之三年除四川射洪等六縣坍沒田租免直隸逋賦及宣化永平之

### 糧草旗退入官之地租各逋賦

諭直省各府州縣學田無多遇歉歲貧生不能自給又不便令有司與貧民一例散賑嗣後遇賑貸之時該督撫學政令教官覈實開列送地方官詳報即於存公項內量撥銀米交本學教官散給至各學田租通融散給俾霑實惠是年寧夏地震壞廨署廬舍人民官弁亦間有遇災者

命大臣一人馳驛往視發司庫銀二十萬逐戶散賑其官弁照巡洋被風例

恩賜卹典。又定民間遇火災。准動存公銀酌賑。四年更定賑濟米數。大口日給五合。小口半之。向例每名日給三四合。至六七合不等。是年免直隸屆征錢糧九十萬。江蘇百萬。安徽六十萬。及雲南勳莊變價額賦千八百餘兩。以該莊地屢被水沖沙壓。難以耕種。承變各戶無可追賠。

特諭豁免陝西西安鳳翔同州三府咸寧等十九州縣水衝屯莊銀米。榆林等十州縣民間貸借倉糧。悉予豁免。五年免安徽宿州鳳臺靈璧石埭四州縣

雍正十三年至乾隆二年正雜各逋賦。豁免河南中牟等十四州縣水衝沙壓荒地額賦。及鄭州地戶積逋。又江南省地丁錢糧漕項蘆課雜稅外。有名為雜辦者。沿自前明。不在地丁項下編征。仍入地丁項下奏銷。款目繁多。

國朝賦役全書亦未開載原委。及如何征收。則例至是

諭如有款可征。即立定章程。以杜浮隱之弊。其實在缺額者。著該督撫確勘請

旨豁免六年。免陝西那克舒三十九部落本年錢糧。按

年準噶爾來使進藏熬茶那克舒豫備馬匹毫無違誤故加恩寬免其

行圍所經地免本年額賦十之三。謹按乾隆六年為秋巡行圍之始我

皇上愛育黎元特沛殊恩凡經過之地皆免額賦十之三嗣後恭遇聖駕

時巡永著為例又以湖南臨武湘鄉二縣水除坍田額賦

安徽水賑鳳陽潁州二屬飢民七年除浙江錢塘

縣及河南洧川等十一州縣河坍沙壓田賦。

詔除天下正項銀米豆草並雜稅租穀逋欠其江浙二

省未完漕項銀米豆麥向不在豁免之例一并免

征。又除甘肅省康熙三十年至雍正六年逋賦柳

林湖三清灣柔遠堡毛目城雙樹墩九壩各屯戶

貸欠武威平番永昌古浪西寧碾伯等六縣三年

帶征銀。是年黃淮交漲淹民田廬。

命大臣會該督撫勘賑動帑千餘萬破格拯濟旋蠲被

災州縣本年應征錢糧江蘇所屬江浦等二十九

州縣衛地丁歲夫蘆課學租等二十四萬九千五

十三兩本色米八千二百石山陽等二十六州縣

衛漕項銀三萬三千五十餘兩米麥豆十有二萬

八千八百餘石。安徽所屬壽州等二十州縣衛所地丁漕項銀十有七萬八百二十餘兩。米麥豆干八百三十六石有奇。又續免各災地蠲餘帶征之賦。定凡遇災即行撫卹。先賑一月。察明戶口。按災分極貧次貧加賑。其山西湖廣貴州不分極貧次貧。皆按月給賑。江南浙江原分極貧次貧。又次貧。其又次貧併歸次貧內。凡遇夏災其災地歲不兩熟。與雖兩熟而秋禾不復可種者。照秋災例賑。風雹傷禾苗者亦以秋災論。八年。

上詣

盛京恭謁

祖陵嘉予各莊頭輸將無誤免本年應交倉糧及上年未完米豆。又免那克舒三十九部落應徵明年額賦。

除湖北興國黃岡二州縣荒田租稅浙江玉環塗

稅。按浙江溫台二洋向為漁船採捕之所。自玉環

未展復以前汛兵需索漁船陋規無異私稅。後

因展復玉環地方官恐經費無出將陋規改收塗

稅。至是上諭濱海編氓以海為田著將此項

永遠免直隸望都靜海吳州武邑四州縣貸種

宿逋及甘肅皋蘭等十二州縣乾隆六年逋賦賑

按惟正之供上禪國用歷代  
從無豁免之例我

朝

列聖相承澤周四海蠲賑兼施固已  
傳為

家法自

聖祖仁皇帝五十年普免天下地丁

錢糧漕米

世宗憲皇帝登極又豁免天下逋賦

皇上御宇以來恭逢

國慶免地丁錢糧者三次免漕糧者二次

左藏充盈閭閻樂利

綿億萬載無疆之祚斯

普億萬載無疆之祚謹按年臘載以昭

從古未有之盛云加案聲明

直隸天津河間深州各屬二十八州縣山東德州  
十三州縣飢民其上年因黃淮交漲遣大吏視賑  
至此屆停賑之期復令江南督撫察現在水淹未  
涸之地按飢民口數酌定月分接續賑卹九年免  
肅州九家窰未完牛具銀陝西西寧縣元年未完  
馬糧高陵平利二縣五年所貸籽種十年

皇上御宇週旬奉

恩詔普免天下錢糧以十一年為始分省輪免三年一  
周其例不入蠲者直隸霸州固安屯糧奉天錦州

米豆浙江玉環山海寧縣大鹽中小鹽各銀穀甘  
肅臨邊各屬芻糧福建臺灣粟米湖南乾州鳳皇  
永綏苗民雜糧四川番民貢賦陝西玉樹那克舒  
馬貢山西大同朔平二府額徵米穀豆麥亦予

加恩豁免其直隸宣化府屯糧甘肅河東河西各屯免  
三之一福建臺灣官莊山西太原等府額徵本色  
免十之三河南之灘地官莊官地義田廣東官租  
學租屯地曠軍餘穀各項均免十分之一  
臣等謹按古有賜復之典不過偶見一方洪惟我

聖朝世德相承同符

泰運。

聖祖仁皇帝五十年以

國慶綿長。普免天下地丁錢糧漕米。三年一週。

世宗憲皇帝登極。又盡除天下逋欠。甘肅全免正賦者。至

十餘載。

皇上御宇週旬。復普免地丁錢糧。五十年中。免地丁錢

糧者三次。免漕糧者二次。

湛恩汪濊。樂利恬熙。實曠古所未有也。

是年除江西樂平。德興。玉山。宜黃。陝西洽陽。各坍荒田租。免江蘇州縣。雍正十三年至乾隆元年。未入正項雜賦。甘肅寧夏。寧朔。平樂。乾隆三年。因地震所貸耕具。咸寧等縣民屯地。及更名地。因水緩征銀米。阜蘭。金靖。遠平。番靈州。碾伯。高臺。七州縣。乾隆八年。未入賦銀糧草。瓜州。安插回民。未償牛種。又以直隸宣化。延慶等州縣。山西大同府。江蘇。安徽。所屬偏災。加賑有差。十一年。

上巡幸山西免

駐蹕之五臺縣明年額賦十之三。又以贍對平定。凡四川打箭爐口內外効力各番部。給復二年。又

特減直隸慶雲縣額賦十之三。著為令。其浙江雲和縣

坑爐稅。廣東瓊州府雜稅。福建無著漁課。蘇州沿

城屋地租。一例永除。

先是蘇州城內外居民沿城構屋賃地輸租。後屋毀他徙。

租遂逋懸。州縣率以罰鍰抵解。至是嚴禁濫罰。遂除其租。

時江南水。免山陽等

二十四州縣衛民屯地漕河租各賦。其海州沐陽贛榆三州縣未入地漕銀米。板浦等六鹽場未入

折價銀。悉予放除。又截漕二十萬石充賑。並給銀

葺居。以安棲止。時山東河南及廣東之廣州肇慶

韶州南雄均被水。直隸宣化府電均如例賑卹。十

二年。除天津葦漁課。以山東水電免賦銀三十五

萬三千九百有餘。江南海溢免災田額賦。復除山

陽等二十一州縣。乾隆七年蠲餘未完正雜各賦。

截山東河南漕運天津北倉米。協濟東省。共用穀

米一百五十萬石。並發帑百八十餘萬兩。充山東

賑濟。江蘇沿海各州縣所被潮災。直隸天津浙江

杭州江南徐州皆偏災。蠲賑如例。十三年。

上幸山東。免

鑾輅所經州縣田租十之三。其

駐蹕之曲阜泰安歷城。明年額賦全行蠲免。時浙江海潮災。免漕項銀米。以江南崇明縣上年潮災。免蠲餘各賦。以直隸之慶雲鹽山縣地瘠。免歷年貸種。又陝西福建旱。

詔河南運粟赴陝。截江浙二省漕。海運赴閩。用禪賑濟。其山東鄒平等二十州縣水。雲南山西甘肅俱偏

災。咸賑如例。十五年。

上謁易州

陵寢。並

幸河南。凡經臨州縣未被災者。免錢糧十之三。被災者。免十之五。以祥符為河南省會。登封為望秩之所。全免來年地丁錢糧。嗣於次年。以豫省紳民踴躍急公。免全省十四年以前逋懸共三十五萬。時江南江寧淮安揚州徐州海州五府州水。賑被災貧民。十六年。

上南巡。除江南之武進陽湖二縣開抵田租。及江蘇安徽。乾隆元年至十三年積欠地丁銀共二百五十八萬。浙江一省向無積欠。蠲正額三十萬。以示勸獎。其山東因災借貸籽種銀。徐州揚州二屬之興化沛縣濱湖荒田未淹以前應征逋賦。兩淮竈戶遞年逋賦。皆以

鑿輅南巡展

恩除之。

臣等謹按前明虛田領價。後因本戶逃亡株連親

族。實非原置之田。亦非當日領價之戶。民間既輸條糧。又納役租。以致積年拖欠。

上省方所至。令均照民田一例完納。租銀槩予豁免。又以浙江向無積欠。并蠲除正賦。以勸輸將。

恩膏稠疊。施於常格之外矣。

十七年。

駕幸木蘭。經臨各州縣。有被雹災者。免田租十之五。餘如例免十之三。又免甘肅自元年至十年各項逋賦。除浙江淳安臨海瑞安陝西吳堡各縣坍荒田

租。是年浙江旱。被災者五十四州縣。其直隸山東福建江蘇安徽山西陝西俱偏災。除免賦常賑加賑外。以浙江災重。

命截留漕米五十萬石。

諭湖廣協濟倉米五十萬石。賑糶兼施。本折並賑。又除甘肅狄道等十五州縣坍荒地。免長蘆商運課銀。山西旱。給賑如例。十八年。清覈直隸四旗通判熱河八溝同知所轄坍荒地畝。安徽太平府福建臺灣府浙江山東竈地。各處田地坍荒者。咸免科。

時淮水漲。淮揚徐災。河決銅山隄。宿州靈璧虹縣泗州被淹。

命內大臣往視。發帑截漕。撥運江西浙江湖北湖南河南山東四川米。協濟賑糶。又山東掖濰昌邑三縣風災。人給口糧一月。十九年。

上謁

盛京

陵寢免奉天本年田租。其莊頭應納糧石。各旗地米。草芻免半。壯丁米全免。時淮安揚州水。賑農民竈丁。

福建漳州所屬亦水。人給口糧一月。臺灣澎湖颶風壞商漁船及民廬舍均

飭大吏賑卹。二十年。浙江杭湖紹江南淮海徐水。山東沂州秋禾災。各如例賑卹。二十一年。

上幸闕里。

詔免曲阜來年租賦。以西陲用兵。民勞輸輓。免甘肅涼州肅州安西各衛及臯蘭一縣額征銀米草芻。寧夏平涼鞏昌蘭州四府田租免十之三。其全省十一年至十五年逋賦貸種蠲免有差。時山東江南

水。咸賑如例。二十二年。

上南巡。免江蘇安徽浙江遞年逋賦。江寧蘇杭三府本年田租。其江南十年以前漕項。浙江漕項屯餉沙地公租。暨貸租未償者。悉除之。又免甘肅之涼州肅州安西臯蘭本年田租。甘省十六年至二十年逋賦。直隸之滄州靜海南皮。山東海豐。遞年各項逋賦。又以江南淮海徐等屬。頻罹水患。山東魚臺金鄉濟寧滕嶧五州縣。上年被水淹田。尚未涸出。除借糶展賑外。加

恩將徐淮海三屬新舊積欠及兩淮竈戶逋懸山東魚臺等縣並濟寧魚臺之屯戶逋賦概予豁免是年山東江南加賑展賑早蒙撫卹二省與河南之虞城夏邑商邱永城犬牙相錯而中州獨不言災至是

上垂念該地民風淳樸益用

嘉憫飭該撫速勘積水地畝賑卹一月至五六月間會中州復水洄出補種之秋禾亦淹乃令除虞城夏邑商邱永城四縣田租二年免四縣積逋又

諭辦理水利河臣會同督撫查明被災戶口無論極貧次貧概予一月口糧嗣後陸續奏報汲縣淇縣封邱中牟陽武新鄭武陟原武輝縣滑縣新鄉延津獲嘉許州長葛祥符皆被水壞民田廬

命撥江西湖北米協濟本折兼賑增折直並以工代賑越明年二月賑垂畢

上復諭曰譬如赤子在慈母之懷未能強飯遽斷其乳其何以堪其再加賑一月又是時漳河暴漲注衛河山東直隸被水江南上下亦被水甘肅雨雹山水

大至。咸賑如例。二十三年。免甘肅十六年至二十二年逋賦。以河東西旱。本折兼賑。增折直。河東十之三。河西十之四。展賑至來年七月。二十四年。臯蘭等二十五廳州縣。秋禾復災。其折賑視上年再各增十之三。仍分別展賑。時又賑山西陽曲等三十州縣貧民。二十五年。免甘肅田租。以新疆底定。大兵凱旋。再免明年田租。其江南之淮揚徐海四府州縣。及山東湖南甘肅州縣。間被偏災。咸賑如例。二十六年。

上幸山西五臺。免

經臨駐蹕之地租賦十之三。其五臺縣二十四五兩年所貸倉穀石數。與陽曲縣緩征帶征各銀穀。概予豁免。又免直隸宣化府八年至十三年逋賦。時黃河溢。祥符等縣災。

命大臣會該撫散賑。其直隸之大名天津山東之德州曹州亦水。皆截漕充賑。雲南新興江川二州縣地震。照例賑。倍給之。二十七年。

上南巡。免

駐蹕之江寧蘇州杭州三府附郭諸縣本年租賦其安徽江蘇浙江三省先年因災緩征及地丁之未入者如例蠲免其浙江民屯田租漕賦竈課諸逋負並兩淮竈課帶征銀及

經過畿輔等處地方應征額賦分別蠲免

迴鑿後復將直隸大興等十州縣廳所有節年未完分別緩帶之項其自十二年至二十五年逋欠地糧改折屯糧等項概予豁免其自十九年至二十五年因災緩征帶征地糧改折屯糧等項再分作三

年帶征是年賑直隸四十五州縣山東甘肅各三十州縣衛所飢民三十年

上謂

東陵途次周諏以直隸上年秋霖過甚令再行加賑其災較輕與不成災之州縣亦予加賑是年

南巡江浙

鑾輿經臨州縣復免田租十之三三十一年奉

恩詔湖南湖北江西浙江江蘇安徽河南山東應輸漕米照康熙三十年例按年分省通行蠲免一次

臣等謹按起運漕米例不減免。惟我

聖祖仁皇帝五十年通行輪免一次。今

皇上詔令今年普免。至四十五年又普免一次。閭閻蓋無不享盈寧之福矣。

三十二年。

上幸天津。免該屬節年尾欠。並緩征出借未完銀米。旋諭翠華所至。郊圻黎庶。共切近光。着將直隸通省節年尾欠未完民地屯糧等項銀穀一體蠲免。是時大兵進征緬匪。令於雲南通省州縣衛及十九姓土司。

本年地丁錢糧。普行蠲免。其湖南湖北貴州三省所有軍行經過地方錢糧。亦予緩征。明年令直隸河南湖南湖北貴州五省所有軍行經過處。本年地丁錢糧。概予緩征。時安徽之合肥等十六州縣。衛旱。凡新舊漕項錢糧。及歷年貸欠。均予停緩。本年民衛屯地錢糧。各按災分蠲免。其未蠲應征之項。仍分年帶征。被災軍民及各學貧生。一體本折兼賑。缺籽種者貸。其直隸霸州保定等十二州縣。窪地水。河南光山等七州縣旱。蠲賑如例。三十四

年。加賑直隸河南安徽被災各州縣。時湖北江湖驟漲。武昌漢陽所屬被淹。

飭大吏加意撫卹。其進征緬匪兵屯經過之處。應征地丁錢糧。

詔令分別蠲免。在雲南辦理軍需地方。免十分之五。直隸河南湖北湖南貴州經過各州縣。免十分之三。三十五年。

皇上六旬萬壽。越明年。

皇太后八旬萬壽。

詔普免天下錢糧。其芻糧等項。例不入蠲者。仍加恩分別蠲免。隨

諭直省督撫。遇輸免之年。照應免糧銀十分之四。令食力佃農。準直減租。時古北口山水漲發。壞兵民田廬。

命大臣馳往撫卹。前後撥內庫銀四萬。並發倉協濟賑糶。旋

命直隸總督楊廷璋。遴選大員。察勘東安寶坻十一州縣窪地被淹之處。加意撫卹。於是截漕二十萬石。

陸續撥通倉米四十萬發內庫銀七十萬銀米兼給其撥運內庫銀兩舊例除俸餉外俱有應扣秤餘不必悉照部頒法馬。

上諭賑卹以蘇民困其事較俸餉尤重將此次所動帑銀即於庫貯元寶如數發往嗣後如遇賑卹之項俱照此行永為例是年。

上幸天津免天津所屬及經過州縣節年未完銀穀及直隸一省三年前積欠共計三十一萬有餘三十二年。

上巡幸山東免經過州縣本年額征錢糧十分之三其上年被災之處免十分之五其直隸之武清等十五州縣因災借貸穀十萬有餘山東濟南等六府屬因災支借麥本銀十萬八千餘兩全予蠲除又以浙省濱海屢被潮患自常賑展賑外即不成災地畝亦予撫卹又直隸水甘肅偏旱截漕五十萬撥通倉米三十萬部庫銀五十萬賑直隸撥陝西藩庫銀三百萬倉米三十萬賑甘肅又向例屆蠲免之年即遇災歉亦不再蠲。

上念甘肅地瘠民貧。將被災州縣。展至明年。按分蠲免。其該省積欠倉糧四百四萬餘石。全行豁免。其未銀分作六年帶征。是年除臨清及陵縣。沙壓鹽鹼地畝。震澤縣。坍沒公作田蕩租賦。三十七年。緩征四川兵過州縣。及直隸山東。上年被災州縣錢糧。又加賑去年山東偏災。及各省偏災貧民。三十八年。緩征四川湖南陝西等省兵過各州縣錢糧。及撥調湖廣各營官兵。經過州縣漕米。又以肅州高臺。撫彝。安定。金縣。五廳州縣。皆經兵過輓運之所。

免本年額征錢糧十之四。其黔省運送軍裝。亦分別緩征。又免天津府屬積欠。及直隸省上年被災州縣積欠。時黃河北岸湖水盛漲。會黃下注。河南正陽等府縣。及江南清河桃源安東三縣。大河淮安。二衛。泗州。鳳陽等屬。洋津里河。二處莊地。俱被水。又陝西間被偏災。各如例賑卹。又加賑甘肅臯蘭等五州縣。以漕運總督嘉謨請。豁免太倉等州縣所有坍沒田畝租賦。并捐義塚地畝。應征銀米。以湖北巡撫陳輝祖請。豁免監利稅築月堤挖壓。

田畝糧賦。以安徽巡撫裴宗錫請。豁免鳳陽泗州等屬被水田畝應征銀糧。三十九年。加賑陝西河南安徽江蘇四省上年被災各州縣。除江西新昌寧都等五州縣坍沒荒田。及江蘇江浦縣坍沒屯田租賦。以上年黃水漫溢。免山陽清河鹽城阜寧四縣明年應征錢糧。其四縣暨淮安太河二衛本年漕糧漕項銀米。一體分別蠲免。又令緩征川省兵過地方錢糧。及番民認納夷賦銀米貢馬等項。尋以大功指日告成。

諭該省沿邊番民及十姓土司所有遞年緩征夷賦貢馬。分別酌免。是年。逆賊王倫滋擾山東壽張臨清數州縣。彌月勦平。

命該督撫查明。加意撫卹。分別蠲免。其直隸甘肅安徽江蘇俱偏災。咸賑如例。四十年。緩征甘肅積欠。其直隸上年被災州縣。並毗連災地錢糧。概予緩征。又加賑直隸甘肅安徽江蘇四省飢民。四十一年。以金川蕩平。

命四川總督文綬會同將軍阿桂將全省節年應征緩

征帶征錢糧及番民雜項查明差務繁簡分別酌免又以

武功者定

親謁

兩陵祝

釐東岱所過直隸山東除如例免租外並令二省遞年緩

征帶征稱貸銀穀雜項酌定蠲免

計直隸免銀十萬六千餘兩穀

米豆麥共十萬餘石山東免銀九萬一千六百餘兩穀米十有三萬石

其江南被災州

縣漕糧分別展限四十二年

詔普免直省地丁錢糧自四十三年起計三年輪免一週其不在蠲免之例者仍令分別蠲免

臣等謹按普免天下錢糧為從古所未有

聖朝累洽重熙頻加恩賚茲復推廣

聖慈將天下地丁錢糧再輪免一次

厚澤深仁淪肌浹髓尤

推恩錫類之曠舉也

時又以甘肅屢被旱災豁免歷年積欠加賑上年甘肅安徽偏災州縣四十三年以山東歷城等十

九州縣河南汲縣淇縣臨漳三縣甘肅臯蘭三十  
二廳州縣上年被災業與蠲緩借貸賑卹

上又念民氣未蘇

加恩免山東河南被災州縣額賦十之四其甘肅災民  
展賑二月是年黃河漫口被水州縣奉

旨截漕二十萬又留豫省新漕十萬石並先後撥兩淮  
鹽課銀百萬戶部庫銀六十萬

命大員前往董率有司賑卹又湖北安徽江蘇甘肅間  
遇偏災動湖北藩庫存貯銀百八十萬並撥內庫

銀三十五萬賑濟湖北其安徽等省借貸賑卹俱  
如例行四十五年

上七旬萬壽

詔免天下漕糧以庚子年為始如例輸免其漕項款內  
例征折色及民戶輸銀官為辦漕之項一體蠲免  
又

上幸盛京免奉天所屬本年錢糧及雜項米豆以甘肅  
屢災免二十七年至三十七年帶征未完銀米河  
南數被水緩征本年地丁錢糧時河南撫臣奏中

州漫淤未退現奉

恩詔於庚子為始普免七省漕糧請即於今歲先將豫省漕糧概

賜蠲免其儀封考城等五州縣上年緩征漕糧亦請展至四十五六兩年分年帶征從之四十五年仍以漫口堵築未竟將被災較重之儀封考城等十三州縣接賑數月其河南未遇災州縣暨上下兩江甘肅上年偏災各州縣均予展賑其河南上年應征錢糧緩征至本年者被災各屬仍行蠲免餘俱

分作三年帶征是年

上巡幸浙江

鑿輅所經直隸山東江南浙江四省地方如前免地丁

錢糧十分之三其該地每年積欠銀糧暨商場逋

課概予蠲除

直隸順德等府屬所除積欠穀米豆九萬餘石折色銀十萬兩山東歷城

等州縣銀十三萬兩穀麥萬餘石江寧藩司所屬銀四十五萬二千餘兩米十七萬餘石蘇州藩司所屬銀二萬三千餘兩米十二萬九千餘石安徽藩司所屬銀四萬餘兩米穀麥十餘萬石兩淮甯戶節年未完銀三萬五千餘兩兩淮商民應完川餉未繳銀百二十萬兩浙江歸安仁和等縣銀五萬四千兩兩米穀二萬石有餘時直隸水武清房山等四十一州

縣偏災。截漕三十萬。撥通米三十萬。撥部庫銀三十萬。與該省現貯銀米。協濟賑卹。四十六年。免直隸順天等七府二州。節年因災。緩征及借貸未完銀穀米麥。加賑江蘇安徽河南。上年被水災民。時黃河南北兩次漫溢。浸及江南山東瀕河各州縣。又直隸天津等處低地。間有積水。俱如例賑卹。先是甘肅連年被旱。准開捐監例。征收本色。以資賑卹。其後布政使王亶望等。私收折色。捏災冒賑。上令確查。歷年冒賑分肥之員。俱以法論復。

諭各督撫毋得因此諱災不報。乃

諭該督臣派委明幹大員。查勘本年被災之處。即不成災者。亦予撫卹。續經奏報寧朔平樂等州。河水泛溢。秋禾被災。即照例賑卹。又屢

飭直省該督撫。遇有歉歲。即據實奏報。不得因噎廢食。時大兵進勦逆回。其用兵之蘭河二州。本年錢糧通行豁免。又每人給倉穀三斗。加賑一月。其為逆回焚掠房屋耕具牛馬者。均令給銀。人口被傷者。查明撫卹。四十七年。加賑直隸河南山東甘肅江

南上年被水各州縣尋以黃河漫口未堵令將被  
水較重之州縣不限月分常予賑卹俟堵築後停  
止四十八年豁免河南山東所有開挑引渠歷次  
酌增夫料銀共一千六十餘萬甘肅歷年緩征積  
欠銀一百六十餘萬是年陝省榆林懷遠葭州神  
木綏德米脂吳堡府谷等八州縣秋禾被災除將  
應征錢糧分別蠲緩外即著於地丁項下撥銀四  
萬兩以備賑卹之用其未成災之清澗靖遠二縣  
所有本年額征并上年緩征未完及新舊借欠常

社食糧俱著來年征還又蠲免直隸節年民欠耗  
羨銀三萬二千七百餘兩又以江南被水最重之  
沛縣豐縣銅山邳州四處不論月分常予賑卹其  
餘被災稍輕州縣不在常賑之例者俱分別加賑  
又因河南之儀封考城陳留三縣北岸被淹於展  
賑外加賑二月又以山東兗州曹州二府屬及濟  
寧州所屬連年被淹其最重之州縣不論月分常予  
賑卹其次重之各州縣俱加賑一月又加賑安徽  
被水之鳳陽潁州二府並泗州等屬一月四十九

年。

諭上年陝西榆林綏德二屬秋禾歉收節經降旨令該撫加意撫卹並加恩照乾隆二十四年散給折色之例優予賑銀災黎自可不至失所第念今春正賑已畢地氣寒冷並無冬麥大田收穫較遲民食仍未免拮据復加恩將榆林蔚州懷遠府谷神木綏德所屬之米脂吳堡所有被災極貧戶已展賑四月次貧戶已展賑兩月以資接濟五十年上幸盤山免經行地方本年正賦十之三。是年豫省雨

澤稀少糧價日增撫臣畢沅以河北一帶各屬倉石因連年積歉蠲緩散給存貯無多請於豫省應行起運米豆內截留十餘萬石並於山東起運漕糧內就近截八萬石以備接濟。

上諭河南衛輝一帶近歲被有旱災疊經降旨蠲免展賑現在未得雨澤自應寬為儲備著於豫東兩省內截留漕糧三十萬石如東省漕糧不敷著即於就近各幫撥給又

諭明興奏曹州東昌濟寧臨清各府州屬雨澤稀少地

方未經播種者。尚有三十州縣。東省倉貯歷年蠲緩  
借出存貯無多。請截留南米寬裕儲備等語。著於南  
糧頭進在後各幫內截留二十萬石存貯濟寧聊城  
水次以備應用。又

諭江蘇徐淮海三屬。本年雨澤愆期。二麥歉收。所有被  
災最重之銅山豐縣沛縣蕭縣碭山邳州睢寧宿遷  
安東阜寧桃源十一州縣實在貧民著借給三個月  
口糧。次重之清河鹽城海州沐陽贛榆五州縣貧民  
借給兩個月口糧以資接濟。再該處州縣倉石頻年

賑貸存貯無多。其淮安一屬著該督撫就近酌撥調  
濟。所有徐海二屬著即於邳宿一帶水次截留漕米  
十萬石以八萬石分撥徐州各屬二萬石分撥海州  
各屬以備賑貸之用。又

諭安省毫鳳等屬。上年被水歉收。本年復雨澤愆期。業  
經分別借給籽種口糧以紓民力。今尚未得透雨。著  
照書麟所請於三進幫船內截留漕糧五萬石存貯  
備用。



